



Na osnovu Odluke o odobravanju prodaje službenih motornih vozila u vlasništvu Općine Ilidža koju je donijelo Općinsko vijeće Ilidža, broj: 01-02-2603/23-18 od 19.04.2023. objavljuje se:

JAVNI OGLAS ZA PRODAJU SLUŽBENIH VOZILA U VLASNIŠTVU OPĆINE ILIDŽA PUTEM JAVNOG NADMETANJA - LICITACIJE

I

PREDMET JAVNOG OGLASA

Predmet javnog oglasa je prodaja službenih vozila (u daljem tekstu: vozila) u vlasništvu Općine Ilidža, prikupljanjem zatvorenih pismenih ponuda za izbor najpovoljnijeg ponuđača, kako slijedi:

R.B.	Marka i tip vozila	Gorivo D/B	Snaga motora (kW) i radni obim (cm3)	Broj šasije i motora	Registarska oznaka	Godina proizvodnje	Datum važenja registracije/ Pređeni kilometri	Početna cijena/ procjena sudskog vještaka (KM)
1.	Škoda Fabia 6Y	B	47 kW/ 1198 ccm	TMBPY16Y7 44021677	M51-E-703 NIJE U VOZNOJ STANJU	2004	Registrovano do 26.09.2023. / 118.046 km	1.000,60
2.	Lada Niva 2131	B	59 kW/ 1690 ccm	XTA2131008 0092583	M51-E-705	2008	Registrovano do 26.09.2023. / 52.560 km	5.192,20
3.	VW Caddy 2K	D	51 kW/ 1968 ccm	WV2ZZZ2KZ 7X047739	VOZILO ODJAVLJENO	2006	VOZILO ODJAVLJENO / Nije moguće očitati	6.223,20

II

NAČIN PRODAJE





Vozila koja su predmet prodaje-licitacije, prodaju se pojedinačno ponuđaču koji dostavi najveću cijenu za pojedino vozilo za koje licitira.

III

PRAVO UČEŠĆA

Pravo učešća na prodaju – licitaciju imaju domaća i strana pravna i fizička lica koja uplate kauciju u iznosu od 10% početne cijene pojedinog vozila za koje ponuđač licitira. Kaucija se uplaćuje na depozitni račun: Općina Ilidža, Butmirska cesta br.12 Ilidža, broj: 3380002210024598 otvoren kod Unicredit banke sa naznakom “za učešće u licitaciji”, vrsta prihoda 721 239, Općina 078. Učesnicima u postupku prodaje-licitacije čije ponude ne budu prihvaćene uplaćena kaucija od 10% bit će vraćena u roku od sedam dana od okončanja javne prodaje. Najbolji ponuđač je dužan uplatiti preostali dio prodajne cijene u roku od sedam dana od dana potpisivanja Ugovora o kupoprodaji. Zaposleni u Općini Ilidža i članovi njihove uže porodice nemaju pravo učešća na prodaji-licitaciji.

IV

PREGLED VOZILA

Vozila koja su predmet ponude-licitacije mogu se pogledati u garažnom prostoru Općine Ilidža, Butmirska cesta 12 Ilidža, svakim radnim danom od 12:00 do 14:00 sati, uz predhodnu najavu prodavcu na broj telefona: 033-775-625 ili 061-182-213.

V

DOSTAVLJANJE PONUDE

Pismene i zatvorene ponude sa obaveznom naznakom rednog broja vozila iz tabele u članu I dostavljaju se na adresu Butmirska cesta 12, Komisija za provođenje javnog nadmetanja sa naznakom „Ponuda za javnu licitaciju motornog vozila”

_____ (marka i tip vozila),” NE OTVARAJ“.

Rok za dostavljanje ponuda je 30.05.2023. godine, na protokol Općine Ilidža Butmirska cesta 12 Ilidža ili putem pošte. Sve ponude dostavljenje nakon navedenog roka i bez obzira na način dostave neće se uzeti u razmatranje. Javno otvaranje ponuda uz prisustvo zainteresiranih ponuđača održat će se dana 31.05.2023. godine u 12⁰⁰, u Maloj sali Općine Ilidža, Butmirska cesta 12. Otvaranju ponuda mogu prisustvovati ponuđači, fizičke osobe lično ili po punomoćniku, te osoba koja je ovlaštena da zastupa pravnu osobu ili punomoćnik za učešće u licitaciji.

VI

SADRŽAJ PONUDE





Ponuda treba da sadrži sljedeće:

- Podaci o fizičkoj osobi (ime i prezime, ime jednog roditelja, adresa i broj telefona, kopija identifikacionog dokumenta-ovjerenja) / Podaci o pravnoj osobi (kopija aktuelnog izvoda iz sudskog registra ili rješenje o registraciji firme, ovjerenja pečatom pravne osobe, ime i prezime osobe ovlaštene za zastupanje, adresa i broj telefona)
- Iznos ponude iskazan isključivo u konvertibilnim markama (KM).
- Dokaz o uplati depozita u iznosu od 10% od početne vrijednosti vozila
- Redni broj, marka i tip, registarska oznaka vozila (ukoliko isto posjeduje)
- Ponuda mora biti potpisana od strane podnosioca ponude, a ukoliko je ponuđač Pravna osoba, ista mora biti potpisana i ovjerenja pečatom pravne osobe.
- Prihvatljivom ponudom smatra se svaka ponuda koja sadrži podatke iz člana VI i čiji je iznos ponude jednak ili veći od početne cijene pojedinog vozila.
- Licitacija je punovažna i u slučaju da ponudu dostavi jedan prihvatljivi ponuđač za jedno vozilo.

VII

POSTUPAK PRODAJE-LICITACIJE

Komisija za provođenje javnog nadmetanja za prodaju motornih vozila izvršit će evidentiranje svih pristiglih ponuda, provjeru identiteta podnosioca ponude, zakonskog zastupnika ili punomoćnika pravnih lica, te ispunjavanju ostalih uslova za učešće u postupku licitacije. Prije otvaranja zatvorenih pismenih ponuda, prisutnim licima saopćavaju se pravila postupka licitacije.

Komisija otvara prispjele ponude čiji se sadržaj unosi u listu ponuđača koja sadrži: naziv ponuđača, redni broj, marku i tip vozila, ponuđeni iznos i prihvatljivost ponude. Ponude koje ne ispunjavaju uslove prihvatljivosti neće se razmatrati u daljem postupku licitacije. Komisija nakon razmatranja liste ponuđača, utvrđuje najpovoljnije ponude za svako vozilo o čemu usmeno obavještava prisutne ponuđače.

Komisija proglašava pobjednike licitacije koji su dostavili najpovoljniju ponudu za pojedino vozilo. Ako se na poziv za prodaju-licitaciju određenog vozila odazove samo jedan ponuđač sa prihvatljivom ponudom, Komisija ga proglašava pobjednikom licitacije. Ako se prijave dva ili više ponuđača sa prihvatljivom ponudom i istom cijenom, koja je ujedno i najveća cijena ponude, Komisija će na javnom otvaranju ponuda provesti dodatnu usmenu prodaju-licitaciju i odabrati povoljnijeg ponuđača.

VIII

OBAVEZE KUPCA





Ponuđač, odnosno kupac, čija ponuda bude prihvaćena, dužan je zaključiti Ugovor o kupoprodaji u roku od sedam dana od dana završetka licitacije. Kupac je dužan za kupljeno vozilo uplatiti preostali iznos kupoprodajne cijene najkasnije u roku od sedam dana od dana potpisivanja Ugovora o kupoprodaji. Kupac je dužan uplatu preostalog dijela kupoprodajne cijene izvršiti na depozitni račun Općine Ilidža br. 3380002210024598 otvoren kod Unicredit banke.

Sve poreze i troškove u vezi sa prenosom vlasništva, kao i ostale troškove snosi kupac.

Primopredaja vozila izvršit će se odmah nakon predocjenja dokaza o izvršenoj uplati preostalog iznosa kupoprodajne cijene. Ukoliko kupac ne sklopi Ugovor o kupoprodaji ili ne uplati puni iznos ponuđene cijene, uplaćena kaucija od 10% neće biti vraćena. Općina Ilidža će zaključiti Ugovor sa sljedećim najpovoljnijim ponuđačem.

IX

DODATNE INFORMACIJE

Tekst ove licitacije će biti objavljen na web stranici Općine Ilidža i u dnevnom listu "Oslobođenje" i ostaje otvoren 14 dana od dana objavljivanja. Prodaja vozila vrši se po principu "viđeno-kupljeno" i bez mogućnosti naknadnih pregovora, žalbi i reklamacija, koje se neće razmatrati. Sve informacije u vezi sa javnom ponudom-licitacijom mogu se dobiti svaki radni dan u vremenu od 12:00 do 14:00 sati, na broj telefona 033-775-625, kontakt osoba Jasmina Lendo ili 061-182-213, kontakt osoba Mirsada Hadžić.

Općina zadržava pravo da prihvati ili odbije ponude, obustavi ili poništi prodaju službenih vozila po ovom javnom oglasu u bilo kojoj fazi javne licitacije, sve do momenta uplate kupoprodajne cijene.

OPĆINSKI NAČELNIK

Nermin Muzur, magistar uprave